

# პაყაროქაგროქონ



საქართველოს ეროვნული ბანკი  
National Bank of Georgia





В ԽՈԱռօրյա կյանքում ֆիզիկական և իրավաբանական անձինք կարող են բախվել մի շարք չնախատեսված իրադարձությունների հետ, որոնք կարող են նրանց ֆինանսական վնաս հասցնել: Հենց նման անկանխատեսելի իրադարձությունների դեպքում և ռիսկերի հաղթահարման հարցում նրանց օգնում է ապահովագրությունը:

Ապահովագրությունը ֆինանսական գործիք է, որն օգնում է խուսափել կամ նվազեցնել հնարավոր ռիսկերի հետևանքով առաջացած ֆինանսական կորուստները: Ապահովագրական գործունեության հիմնական սկզբունքը հետևյալն է. ապահովագրողը (ապահովագրական կազմակերպությունը) ապահովագրում է ֆիզիկական և իրավաբանական անձանց այն ռիսկերից, որոնց նրանք կարող են հանդիպել և նրանց տրամադրում է ապահովագրական վկայագիր և պայմանագիր, որը սահմանում է ապահովագրության պայմանները:

Ապահովագրություն ձեռք բերելու համար ապահովագրված անձինք նախապես համաձայնեցված պարբերականությամբ ապահովագրական կազմակերպությանը վճարում են ապահովագրավճարը, այսինքն՝ դրամական ներդրումը:

ՄԱպահովագրված դեպքի պատահման դեպքում, այսինքն՝ նախապես որոշված ռիսկերը տեղի ունենալու դեպքում, ապահովագրական կազմակերպությունը ապահովագրված անձանց կփոխհատուցի վնասը պայմանագրի պայմանների և ապահովագրական սահմանաչափի համաձայն: Ապահովագրության սահմանաչափը նախապես որոշվում և նշվում է ապահովագրական վկայագրի մեջ:

Խնդրում ենք նկատի ունենալ, որ ծախսերը ավտոմատ կերպով չեն փոխհատուցվում, և ապահովագրված անձը պետք է դիմի ապահովագրական կազմակերպությանը այդ պահանջով: Ապահովագրական վկայագիրը կարող է նախատեսել ֆրանչիզա: Ֆրանչիզան կարող է լինել պայմանական կամ անվերապահ: Վկայագիրը կարող է ներառել նաև գրոյական ֆրանչիզա: Իր հերթին, ֆրանչիզան իրենից ներկայացնում է վնասի նվազագույն չափը, որը ապահովագրողը չի փոխհատուցի:

Ապահովագրությունը կարող է լինել կանավոր կամ պարտադիր:

Ի տարբերություն պարտադիր ապահովագրության, որտեղ ներգրավվածության պայմանները սովորաբար սահմանվում են օրենքով, կանավոր ապահովագրության մեջ ներգրավումը կանավոր է և կախված է ապահովագրվողի կամքից:

Ըստ այդմ, ապահովագրության պայմանագիրը կնքվում է կողմերի համաձայնության հիման վրա: Առանձնացնում են ապահովագրության երեք հիմնական ուղղություն՝ անձնական, գույքի և պատասխանատվության ապահովագրություն:

#### Անձնական ապահովագրություն

Անձնական ապահովագրության հիմնական տեսակներն են առողջության, ճանապարհորդության և կյանքի ապահովագրությունը:

Մեզանից յուրաքանչյուրը կարող է կանգնել առողջության վատթարացման վտանգի առաջ, իսկ բժշկական ծառայություններն ու դեղամիջոցները, շատ դեպքերում, թանկ են: Առողջության ապահովագրությունը թույլ է տալիս նման դեպքերում նվազեցնել կամ ամբողջությամբ խուսափել բժշկական ծախսերից: Բացի այդ, առողջության ապահովագրությունն օգնում է մեզ ապահովել, որ մեր առողջական վիճակը երկարաժամկետ բացասական ազդեցություն չունենա մեր և մեր ընտանիքի ֆինանսական բարեկեցության վրա:

Առողջության ապահովագրությունը կարող է լինել ինչպես մասնավոր, այնպես էլ պետական (այս դեպքում պետությունը փոխհատուցում է շահառուի բժշկական օգնության ծախսերը):

Աշխարհում կան բազմաթիվ առողջապահական համակարգեր, և շատ դեպքերում հանդիպում են մասնավոր և պետական ապահովագրության տարբեր համակցություններ:

Վրաստանում 2013 թվականից գործում է համընդհանուր առողջապահության պետական ծրագիրը, որի նպատակն է ապահովել բժշկական ծառայությունների հասանելիությունը բնակչության համար:

Ճամփորդության ապահովագրությունը ծածկում է ճանապարհորդելու հետ կապված ռիսկերը, ինչպիսիք են, օրինակ՝ բժշկական օգնության կամ ճանապարհորդության չեղարկման, կորցրած ուղեբեռի և այլ չնախատեսված իրադարձությունների հետ կապված ծախսեր. հետևաբար, ապահովագրության այս տեսակը շատ գործնական և տարածված է:

Կյանքի ապահովագրությունը հիմնականում ապահովում է ապահովագրված անձի մահվան դեպքում դրամական փոխհատուցում նրա ընտանիքին կամ ժառանգորդին:

7 խարհում տարածված են կյանքի ապահովագրության բազմաթիվ տեսակներ: Կյանքի ապահովագրությունը կարող է կապված չլինել մահվան ռիսկի հետ (օրինակ, ապահովագրական փոխհատուցումը կարող է վճարվել, երբ դուք հասնում եք որոշակի տարիքի): Որպես կանոն, կյանքի ապահովագրության տեսակները երկարաժամկետ են: Հարկ է նշել, որ Կրաստանում ապահովագրական կազմակերպությունների կողմից կյանքի կարճաժամկետ ապահովագրության և առողջության ապահովագրության միացումը ընդունված պրակտիկա է:

#### Գույքի ապահովագրություն

Գույքի ապահովագրությունը թույլ է տալիս խուսափել մեր անշարժ կամ շարժական գույքին սպառնացող ռիսկերի հետ կապված ծախսերից: Գոյություն ունեն գույքի ապահովագրության մի քանի տեսակներ, և դրանք հնարավոր է խմբավորել հետևյալ կերպ.

1. Գյուղատնտեսական ապահովագրությունը (ագրո-ապահովագրություն) կարող է ներառել գյուղատնտեսական

գյուղատնտեսական մշակաբույսերի, կենդանիների, թռչունների, ձկների և գյուղատնտեսական ձեռնարկությունների այլ գույքի ապահովագրություն:

Գյուղատնտեսական ապահովագրությունը լավ միջոց է պաշտպանվելու գյուղատնտեսական այնպիսի ռիսկերից, ինչպիսիք են բնական աղետները (ներառյալ՝ կարկուտ, հրդեհ, ջրհեղեղ, երաշտ և այլն) կամ կրծողների և միջատների կողմից գյուղատնտեսական կուլտուրաների վնասումը:

2. Տրանսպորտի ապահովագրությունը ներառում է տրանսպորտային միջոցների (օրինակ՝ ավտոմեքենաների, նավերի և ինքնաթիռների) ապահովագրությունը և նվազագույնի է հասցնում ավտովթարի հետ կապված չնախատեսված ֆինանսական ծախսերը:

3. Գույքի ապահովագրության այլ տեսակներ. ֆիզիկական և իրավաբանական անձինք կարող են ապահովագրել իրենց սեփական կամ բիզնեսի գույքը (օրինակ՝ բնակելի կամ գրասենյակային շենքեր, մեքենաներ, ընտանի կենդանիներ, կահույք, թանկարժեք իրեր) տարբեր ռիսկերից, ինչպիսիք են՝ գողությունը, կողոպուտը, վանդալիզմը, բնական աղետները և այլն: Հիշեք, որ ապահովագրությունը չի փոխհատուցում ժամանակի ընթացքում գույքի մաշվածությունից հասցված վնասը:

ապահովագրությունը չի փոխհատուցում ժամանակի ընթացքում գույքի մաշվածությունից հասցված վնասը:

## Պատասխանատվության Ապահովագրություն

Պատասխանատվության  
ապահովագրությունը ֆիզիկական և  
իրավաբանական անձանց  
հնարավորություն է տալիս խուսափել  
ֆինանսական կորուստներից՝ կապված  
իրենց գործունեության հետևանքով  
երրորդ անձի կյանքին, առողջությանը  
կամ գույքին հասցված վնասի  
հատուցման հետ: Երրորդ անձանց  
հանդեպ պատասխանատվության  
ապահովագրությունը կարող է  
ներառել մասնագիտական  
պատասխանատվության  
ապահովագրություն, որը պաշտպանում է  
ապահովագրված անձանց այնպիսի  
դեպքերից, երբ նրանք իրենց  
մասնագիտական գործունեության  
ընթացքում ականայից վնաս են հասցնում  
երրորդ անձանց: Մասնագիտական  
պատասխանատվության  
ապահովագրությունը հաճախ

օգտագործվում է բժիշկների,  
աուդիտորների, ճարտարապետների և  
այլ մասնագետների կողմից: Օրինակ՝  
Վրաստանում նոտարների մեծ մասն  
օգտվում է մասնագիտական  
պատասխանատվության  
ապահովագրությունից, ինչը նշանակում է  
նոտարի անզգուշության հետևանքով  
երրորդ անձին պատճառված վնասների  
փոխհատուցում:

Բացի այդ, բժիշկների կողմից  
մասնագիտական  
պատասխանատվության  
ապահովագրության կիրառումը լայն  
տարածում ունի ամբողջ աշխարհում, որը  
ծառայում է բուժական պրոցեդուրաների  
և կլինիկական փորձարկումների  
ընթացքում հիվանդին պատճառված  
վնասի փոխհատուցմանը:

Քաղաքացիական  
պատասխանատվության  
ապահովագրություն, որը ներառում է նաև  
գործատուի պատասխանատվության  
ապահովագրությունը աշխատողի  
կողմից աշխատավայրում ստացած  
վնասվածքների համար, ինչպես նաև  
երրորդ անձանց հանդեպ  
պատասխանատվության  
ապահովագրությունը (որը երբեմն  
կոչվում է ավոպատասխանատվության  
ապահովագրություն), որն օգնում է  
ապահովագրվողին այն դեպքում, եթե  
ավտոմեքենա վարելիս նրա  
մեղավորությամբ վնասվի երրորդ անձ  
կամ գույք:

Քաղաքացիական  
պատասխանատվության  
ապահովագրության ձևերից է նաև,  
այսպես կոչված, աճող վտանգի  
պատասխանատվության  
ապահովագրությունը (վտանգավոր  
ձեռնարկություններ), որը ծածկում է  
բարձր ռիսկային (օրինակ՝ միջուկային  
կամ քիմիական) ձեռնարկությունների  
կողմից երրորդ անձանց և շրջակա  
միջավայրին հասցրած վնասից  
առաջացած ծախսերը: Հաշվի առնելով, որ  
ապահովագրված դեպքի առաջացման  
դեպքում ապահովագրական  
կազմակերպությունը բոլոր դեպքերում չէ,  
որ փոխհատուցում է վնասը:  
Ապահովագրության պայմաններն ունեն  
«բացառություններ», որտեղ նշված են, թե  
որ դեպքում ապահովագրական  
կազմակերպությունը չի փոխհատուցի  
վնասը: Նաև գումարը չի փոխհատուցվի,  
եթե վնասը կապված է ապօրինի արարքի  
հետ կամ երբ ապահովագրական  
կազմակերպությունը դիտավորյալ թյուր  
իմացության մեջ է գցվել: Օրինակ՝  
ավտովթարի դեպքում  
ապահովագրական կազմակերպությունը  
չի ծածկի վնասը, եթե մեքենան վարել է  
ալկոհոլի կամ թմրամիջոցների  
ազդեցության տակ գտնվող անձը:

Հենց այս սահմանափակումներն են  
մեծացնում ապահովագրված անձի  
պատասխանատվությունը: Շատ  
չնախատեսված դեպքեր են պատահում  
կյանքի ընթացքում, ուստի կարևոր է, որ  
մարդիկ և ընկերությունները նախապես  
հոգ տանեն նման դեպքերի պատահման  
դեպքում ֆինանսական ռիսկերը  
նվազեցնելու կամ նույնիսկ վերացնելու  
մասին: Ապահովագրության համար  
գումար վճարելը շատերին տարօրինակ է  
թվում, քանի որ, ի տարբերություն ինչ-որ  
բան գնելու կամ պարտք վերցնելու,  
ապահովագրության իրական, շահավետ  
ազդեցությունը մենք տեսնում ենք ոչ թե  
ակնթարթորեն, այլ ապագայում՝  
չնախատեսված և տհաճ հետևանքների  
առաջացման ժամանակ:  
Այնուամենայնիվ, այսօր շատ կարևոր է  
մտածել վաղվա օրվա մասին:  
Ապահովագրությունն իր հերթին կօգնի  
մեզ պաշտպանել ինքներս մեզ, մեր  
ընտանիքը, գործը/բիզնեսը և  
մասնագիտական գործունեությունը և  
հասնել ֆինանսական հանգստության և  
կայունության:

Մաղթում  
ենք ձեզ ֆինանս  
ական  
հանգստո  
ւթյուն:



